

iritzia

gaurko...

...elkarrizketa



Agurtzane Etxaniz

• DEBEMENKO GERENTEA •

«Gazte jendea baserri mundura erakartzea bilatzen dugu»

Debemen Nekazaritza Elkarrekin 1992. urtean *Izarraitz Bizirik* proiektua sortu zuen, Lastur eta Kilimon bailarei bultzakada bat emateko asmoarekin. Baserriaren etengabeko gainbeherak bultzatu zuen ekimen hau.

■ Zer da *Izarraitz Bizirik* proiektua?

Izarraitz Bizirik Debako Lastur eta Mendaroko Kilimon bailarak suspertzea bilatzen duen proiektua da. Bertako baserriak, udaletxeak eta Debemen Elkarrekin parte hartzen dute.

■ Zergatik sortu zen proiektu hau?

Batez ere Lastur bailaren gainbehera ikusita pentsatu zen *Izarraitz Bizirik* sortzea, bultzakada bat emateko xedearekin. Berpizkunde hau ikuspegi ekonomiko, soziologiko eta kultural batetik planteatu zen. Proiektu honen hasieran, bailara hauen biztanleen kezka nagusiak zerbitzuak eta ekipamenduak ziren.

■ Zeintzuk dira hurrengo helburuak?

Naparrekua Etxea eraikitzea Lasturren. Etxe honetako beheko solairuan Lasturko produktuekin denda bat irekiko genuke. Goiko pisua, berriz, auzoko bizilagunei zerbitzu bat emateko prestatuko litzateke. Bertan bilerak egingo lirateke, ikastaroak antolatuko...

Gorka Quvedo
DONOSTIA

...esaera

«Diruak malkarrak zelaitzen ditu»

...hizpideak

Hegazkin seguruena, baita urriena ere

■ 1969. urtean, haren lehen probatzeak egin zirenetik eta 1976tik aurrera linea erregularretako hegaldiak egin direnetik, lehen istripu larria du Concordek. Horretarako deitu zioten «munduko hegazkin seguruena». Alabaina, kontuan hartzeko datu bat bazter uzten zen baieztatze hau egitean, hau da, munduan 13 Concorde soilik dabitza —7 British Airwaysen jabetzan eta beste 6 Air Francerenak— eta beste hegazkin subsonikoak, aldiz, Boeing edo Airbus esaterako, doze-

naka daudela. Atzoko istripua, hegazkinetako ia guztiak bezala, izugarria izan da biktimetan, baina, hala ere, ondorio askoz ere larriago bati saihestu egin zaio nonbait. Ezen, hegazkina erori den gunearen inguruan sorotzen ziren gehienbat. Pentsa zelako tragedia izango zen hegazkina erori izan balitz hiri baten gainean —Paris bera, adibidez, 30 bat kilometrotara soilik da—. Garraio segurua dela diote hegazkina baina istripuak gertatzen errukirik gabekoak direla ezin da ahaztu.

PSOE jeltzaleei begira

■ Jose Luis Rodriguez Zapatero PSOEko idazkari nagusi izendatu eta Redondo Terreros zuzendaritzan sartzearekin batera, EAJri begira jarri dira sozialistak. PPrent eta PSE-EEren arteko gobernu akordioa baztertu du Zapaterok, eta baita EAJri «presio politikoa» egitea ere. Iraganeko egoerara itzuli nahia ikusten zaio alderdi sozialistari, Ajuria Eneko ituna berregin beharra ere aipatu baitu Zapaterok, baina ETaren aurkako Gobernuaren politika zalantzan jarri gabe.

Beste garaipen bat ziklismoan

■ Javier Otxoa txirrindulari berangarrak irabazi zuen atzo Ordiziako proba, eta, beraz, euskal ziklismoak arrakastarekin segitzen du. Izan ere, izugarrizko denboraldia ari dira egiten euskal ziklistak, atzokoa 26. garaipena baita. Erretiratu zen Indurain handia, eta inor ez da atera haren tamainakorik —ia ezinezkoa delako—, baina, hala ere, euskal ziklismoak punta-puntakoa izaten segitzen du.

Akordiorik ez Camp Daviden

■ Emaitzarik gabe bukatu ziren atzo Camp Daviden israeldarren eta palestinarren arteko elkarrizketak. Israelgo lehen ministro Ehud Barak eta PAN Palestinako Aginte Nazionalako presidente Jasser Arafat bi astean egon dira EEBBetan Ekialde Erdiko bake prozesua nola bideratu aztertzen, baina ahaleginak alferrekoak izan dira. Osloko akordioek zazpi urte hauetan izan duten bilakaera eskasari irten-

bide bat eman nahi zitzaion goi bileraren bidez. Hala ere, bi aldeek jarraitzen zuten kontrajarririk izan dira, batez ere Ekialdeko Jerusalem geroari buruz. Eskualde hori bere hiriburua izatea nahi dute palestinarrek, baina Israelek ez du nahi 1967an okupatutako hiriaren zati hori itzuli. Palestinarrek, baina, ez dute amorerik eman eta irailaren 13an estatu independentea aldarrikatuko dutela berretsi dute.

...pertsonaiak



AUGUSTO PINOCHET • Txileko Gorte Gorenak ez ditu onartu diktadore ohiari buruzko osasun agiriak, eta agiri horiek aintzat hartu gabe argituko du, datorren astean, Pinochetek senadore immunitatea duan ala ez.



JAVIER OTXOA • Frantziako Tourrean Hautacamen amaitutako etapa irabazi ostean, Ordiziako Nazioarteko Saria eskuratu zuen atzo Kelmeko txirrindulariak. Berangarra bere kirol unerik gozoenean da.



SABIN INTXAURRE • Jaurlaritzako Justizia, Lan eta Gizarte Segurantzako sailburuak EAEko enplegu egitasmoak aurkeztu zituen Bruselan. Erakundearen arteko Enplegu Plana eta umedun familientzako laguntzen berri eman zion enplegu komisarioari.

...datua

171.363 milioi pezeta irabazi ditu BBVak aurtengo lehen sei hilabeteetan, iaz baino %24,1 gehiago.

...adierazpena

«Nire obra interesgarriena ez da gaurkoa, biharkoa baizik»

Txiki Keixeta
Margolaria

... seiko urrea

XABIER OLEAGA

Agur



aukera hura, kokapen eta sasoi aparta zegozkidalako. Ez dakit baldintza paregabe hauek ondo administratzen asmatu dudana. Nirea gaizki joan izan balitz ere erraz gauditzekoa da. Beste batzuen da ardurasuagoa, eta ez diot nire kontsolagarri.

Duela bi urte hasi baitzen herri honek azken bi hamarkadatan esperantza indarberrituekin pasarterik bizi izan badu nabarmenena. Aber-

tzaleen arteko elkarlana, Lizarragaraziko kontsentsu gunea, ETaren su-etena... Urte bate eskas iraun du ahaleginak. Geroztik, korapilatuta gaude, berriro ere. Gauzak hobeto joateko denbora behar da. Gaizkera, ordea, kolpean oker daitezke. Itomen horren barruan, hala ere, badago zerbait nik inoiz ezagutu ez dudana. Lehen aldiz Euskal Herriaren artikulazioaz, bere osotasunean

hartuta, hitz egiten ari gara. Estatu batekiko edo bestearekiko lotura moduz, edota maila txikiagoko administrazio ereduaz, eztabaidatzerik izan dugu orain arte ere. Gaur egun, ordea, geure osotasunak hartu gaitu eztabaidan. Bakoitzaren egoera desberdina bestearekiko, erritmo eta lege desberdinak, baina osotasunezko identitate bakarraren inguruan denok definitu beharrean aurkitzen gara, aldekoak zein kontrakoak, gidoi bakarra. Horra hor garaipen bat.

Horrek bakarrik ez ote du merezi azken hamarkadetan eman ez zaion aukera eskaintzea bakoitzaren argudioen indarrarekin beste distortsiorik gabe plazan jarduteko.

Bihotz-bihotzez, agur.